

hi sint vel **SIMPLICES**, vel **ÆSTIMATORII**, (§. CCCXXXVIII.) et hinc 64) omnia, quæ de permutatione **SIMPLICE** et **ÆSTIMATORIA** diximus, (§. CCCXXXIX.) sequ.) etiam de hisce contractibus sint observanda. Aut enim operæ ad rem operasve alterius certo æstimantur pretio: quod negotium **pactum reddendæ vicissitudinis** non in eleganter vocat Ammian. Marcell. *Hist. XVI.* 10. aut sine æstimatione rei operarumve aliquid pro re vel opera sit daturve. *) Ubi 65) priore ca-
su servanda æqualitas, et damnum alicujus momenti resarcendum est: 66) posteriore omnis querela de la-
sione quantacumque merito cessat.

*) Tale fuit promissum Agamemonis apud Homerum *Iliad. Lib. X. v. 120. sequ.* qui Achillem Briseidis jactura offen-
sum placaturus, ejus operas contra Trojanos redimere vo-
lebat oblatis septem tripodibus, decem auri talentis, le-
betibus viginti, duodecim generosissimis equis, septem
feminis pulcherrimis, inter quas et Briseis, vi abducta,
addito promiso, deleta Troja, Achillem non modo præ-
da maximam partem avecturum, sed et unam ex filia-
bus, quam ipse electurus esset, uxorem ducturum, cum
dote septem urbium. Ex quo patet, sæpe aliquem sibi
stipulatum ab altero esse operas inæstimabiles, et pro
iis promisso, quidquid alteri quam gratissimum fore exis-
timaret, nulla habita ratione æqualitatis.

§. CCCXLII.

Contractus commodi-
tum
Sunt et alii contractus, quibus ante nummum in-
ventum commercia explicari potuerunt, nimirum om-
nes gratuiti, quibus id egerunt homines, ut quæ si-
bi jure imperfecto, vel ex amore humanitatis et be-
neficentiae, debebantur, in posterum jure perfecto de-
berentur. Talis est contractus **COMMODATI**. Quum enim
ad officiositatem obstricti simus: (§. CCXXIX. 48.) obstricti etiam sumus, ad rei nostræ non fungibilis
usum alteri, qui eo indiget, cum obligatione resti-
tutionis præstandum, id est, ad rem **COMMODANDAM**.*)
Quum vero, refrigercente amore, sperari vix queat,
alterum id sua sponte facturum: (§. CCCXXXVI. 67)
ipsa necessitas homines adegit ad inveniendum contrac-

tum, quo alii ad rei suæ usum iis hoc modo præstan-
dum jure perfecto obligarentur.

*) Itaque **COMMODATUM** nobis est obligatio perfecta ad
usum rei nostræ, alteri sub conditione restitutionis in specie
gratis præstandum. Ex eoque patet, jure naturali commoda-
tum vix differre à precario, inter quæ tamen jure civili ali-
qua differentia est. Facile etiam inde decidi poterit quæstio,
utrum commodatum à solo contrahentium consensu, an
à rei traditione suam substantiam capiat? Quamvis enim
jure naturali et solus consensus de usu, rei alteri præstan-
do, obliget: (§. CCCXXVII. 6.) nondum tamen **com-
modatum** est, quia is, cui hoc promissum ad rem, quam
nondum accepit, in specie restituendam nondum est obli-
gatus, sed **pactum de commodando**. Inter huc vero re ipsa
discremen esse, vel inde patet, quod ex **commodato** obli-
gatur **commodatarius** ad restituendam, ex **pacto** autem de
commodando promittens vel **commodaturus**, ad rei usum
præstandum, adeoque diversæ obligations ex illis nego-
tiis nascuntur. (*)

§. CCCXLIII.

Quia ergo gratis, at sub condicione eam in spe-
cie restituendi, rei usus præstatur: (§. CCCXLII. *)
commodatarii est, 68) rem non modo non aliis usi-
bus, quam ad quos eam concessit dominus, adhibere, commo-
sed et 69) eamdem summa cum sollicitudine ac diligen-
tia servare: ac proinde 70) usu finito, vel domino
eam revocante, eam in specie reddere, simulque 71)
omne damnum, culpa sua datum resarcire, 72) non
autem præstare casum fortuitum, nisi illum ultro in
se receperit: *) (§. C VI. 27) nec 73) impensas in
eam factas repeteret, nisi tantæ sint, ut mercedem, pro
ea locata solvendam, excedant.

*) Primus equidem Grotius *de jure belli et pac. II. 12. 13.* dis-
tinguit, res ne apud dominum similiter peritura fuisset, an
anon, et posteriore saltim casu damnum à **commodatario**
ferendum esse, existimat, cuius sententiam etiam sequun-
tur Pufendorf. *de jur. nat. et gent. V. 4. 6.* et Monarc. ad l. 1.
C. **commod.** Enimvero, quum casus fortuiti et eventus, à
sola providentia divina profecti, nemini imputentur: (§.
C VI. 27) ii sane nec **commodatario** imputari possuntnt.

Ha

Nec

Nec obstat lex divina *Exod. XXII. 14. sequ.* Neque enim illa aliter intelligi potest, quam de culpa commodatarii interveniente. Vid. Jo. Clerici *Comment. in Exod. p. 110.*

§. CCCXLIV.

Contractus depositi.

Deinde humanitatis amor unumquemque obligat, ut alterius res pro virili sua parte servare studeat. (§. CCXVI. 4.) Quum vero et id tantum ab altero jure imperfecto exigere possimus: 74) s^epe nostra interest, ut rerum nostrarum, apud alias depositarum, custodiam, ex obligatione perfecta præstandam, nobis stipulemur: eoque consilio 75) inventus est contractus DEPOSITI, per quem intelligimus obligationem perfectam ad res nostras, depositarii fidei commissas, gratis custodiendas, et, quandocumque nobis placuerit, in specie restituendas. *)

*) Eo contractu veteres nihil habuere sanctius, quia depositans summam fiduciam in depositarii fide ac diligentia collocat, nihilque excogitari potest turpius, quam amicum ab amico amicitia obtentu falli ac decipi. (§. CCCXXII. *) Hinc insignis depositi religio non modo apud Hebreos, de quibus *Exod. XXII. 7. sequ.* et *Joseph. Antiqu. Jud IV. 8. 38.* verum etiam apud Græcos, et reliquos paganos, ceu docet exemplum Glauci apud Herodotum VI. 87. et Juvenalem *sat. XIII.* qui ideo *v. 15.* *sacrum* vocat *depositum*. Hinc non mirum, dira quavis veteres prædixisse illis, qui depositum abnegare non dubitent, quin et eosdem infamia notasse, nec minore poena, quam fures, dignos judicasse. Quædam hanc in rem dicere meminimus Gundlingium in *Gundlingianis Part. II. dissert. VIII.*

§. CCCXLV.

Officia depositarii.

Ex illa vero DEPOSITI definitione (§. CCCXLIV. 75.) patet, 76) depositarium teneri ad accuratam rei depositæ custodiam: nec 77) eam vel involucro aut vinculis exuere, vel 78) sine domini consensu usibus suis adhibere posse: 79) re vero consentiente domino mota, depositum in aliud contractus genus, veluti in mutuum, vel commodatum transire. Denique 80) depositarium obligatum esse ad rem domino, quando-

cum

cumque illam reposcit, restituendam, nisi aliud suadeat recta ratio: (§. CCCXXIII. *) ac proinde 81) non modo ad æstimationem præstandam, verum etiam in poenam merito condemnandum esse, qui depositum, in primis miserabile, *) sciens, dolo malo, abne- gaverit.

*) Quia enim in imputatione ratio habetur circumstantiarum: (§. CXIII. 52.) merito hoc facinus tanto deterius habetur, quo inhumanior ille dicendus est, qui non modo conceptam de se spem amici turpiter destitut, et amicum sub amicitia et fidei obtentu decipit, (§. CCCXXII. *) verum etiam afficto addere afflictionem non dubitat. Et hoc ipsum graviter urget Hecuba adversus Polymestorem, qui, Ilio exciso, Polydorum, Priami filium, occiderat, ut auro deposito potiretur. Vid. Eurip. *Hecub. v. 1210. seq.*

§. CCCXLVI.

Denique idem humanitatis amor merito impellere unumquemque deberet, ut alterum, non minus, ac seipsum, ope juvaret. (§. CCXVI. 4.) Quum vero ne id quidem certo ab altero expectare liceat: 82) negotiopus fuit contractu, quo illum perfecte obligaremus ad negotia nostra, quæ ipsi commisimus, gratis et diligenter expedienda. *) Quem contractum 83) MANDATUM vocari videmus, quemadmodum 84) is, qui negotia, sibi non commissa, ignorante domino, gratis ultro expedit, NEGOTIA GERERE dicitur.

*) Vera ergo ac solida est observatio Noodtii *Probabil. I. 12.* mandatum olim non perfectam produxisse obligationem, sed ex amicitia humanitatisque legibus obstrictum fuisse mandatarium, ad negotia, suæ fidei commissa, diligenter curanda: ejus autem fidei symbolum fuisse *manus dationem*, qua alter alteri rem committere solebat. Unde et ipsum contractum MANDATI nomen accepisse, probabile est. Isidor. *Orig. IV. 4.* Exempla oblata mandatariis dextræ dabunt Plaut. *Cœpiv. II. 3. 82.* ubi adolescens:

Hæc per DEXTRAM tuam, te DEXTERA retinet manu,

Obsecro, infidelior mibi ne suas, quam ego sum ibi.

Et Terent. *Heaut. III. 1. v. 84.*

Hh ij

Ce-

Cedo DEXTERAM; porro te idem oro, ut facias, Chreme.
Olim ergo totum hoc negotium solo pudore magis, quam
legibus, continebatur, donec, tepescente paullatim cari-
tate, ipsa necessitas suaderet, ut in contractum deducere-
tur hoc negotium, et sic mandatario perfecta imponeretur
negotium diligenter expediendi obligatio. Quod et de re-
liquis contractibus gratuitis est observandum.

§. CCCXLVII.

*Quum ergo mandatarius, negotium alienum, fidei
Manda- suæ COMMISSUM, suscipiat, (§. CCCXLVI. 82.) quid
tarri of vero, et quantum alii committere quis velit, in do-
ficia. minii arbitrio positum sit: facile patet, 85.) man-
dantem vel certis limitibus circumscribere mandata-
rium, vel 86) ei liberam potestatem, omnia suo arbitra-
tu agendi, dare, vel saltim 87) per modum consilii
ei suggerere posse, quid fieri velit. Ubi 88) primo
casu mandatarium fines mandati transilire non posse,
89) altero eumdem dolum tantum præstare, 90)
tertio vero mandatum etiam per æquipollens recte ex-
pedire, nemo est, quin intelligat. Sed et 91) omni-
bus his casibus mandatarium ad rationes administra-
tionis vel gestionis reddendas, 92) omnemque dili-
gentiam præstandam, obligatum esse, vel ex ipsa
hujus negotii natura ac indole colligimus. *)*

**) Eo pertinet insignis locus Ciceronis pro Q. Rosc. Cap.
XXXVIII. Quid recipis mandatum, si aut negleciurus, aut ad
commodum tuum conversurus es? Cū mibi te offers, ac meis
commodis obstabas? Recede de medio: per alium transigam. Sus-
cipis onus officii, quod te putas sustinere posse: quod minime
videtur grave iis, qui minime ipsi leves sunt. Ergo idcirco tur-
pis hæc culpa est, quod duas res sanctissimas violat, AMICI-
TIAM et FIDEM. Nam neque mandat quisquam fere, nisi
amicus, neque credit ei, nisi quem fidem putat. Perditissimi
est igitur hominis, simul et amicitiam dissolvere, et fallere
cum, qui lassus non esset, nisi credidisset.*

§. CCCXLVIII.

*Nec non Scd. et NEGOTIORUM GESTOR, dum negotium alte-
negotio- rius, sibi à nemine commissum ultro et gratis susci-
pit,*

pit, (§. CCCXLVI. 84.) 93) hoc ipso facto suo *) rum ges-
se obligat tum ad utiliter gerendum, tum 94) ad om- toris.
nem, quam' negotium admittit, diligentiam præstan-
dam, adeoque 95) etiam ad reddendas rationes, et
96) damna omnia, si qua ejus dolo vel culpa data
sint, resarcienda.

**) Qui facti auctor et caussa est, ei omnes ejus effectus
merito imputantur. (§. CV. 22.) Quum ergo auctor hujus-
modi administrationis sit negotiorum gestor, qui alterius
negotia, nemine commitente vel urgente, ultro suscepit:
(§. CCCLXVI. 84.) ei etiam merito imputantur om-
nia, quæ ex administratione rerum alienarum consequan-
tur. Atqui consequentia administrationis sunt rationum red-
ditio et damni, dolo vel culpa dati, emendatio. Itaque ne-
gotiorum gestor ad reddendas rationes, damage, sive
dolo malo, sive culpa sua, data resarcenda obligatus est.
Atque ita nihil attinet, obligationem hanc ex consensu quo-
dam factio vel præsumto cum jureconsultis derivare, quum
negotiorum gestor facto suo se ad hæc omnia tacite quidem,
at vere tamen, obstrinxerit.*

§. CCCXLIX.

*Et hi quidem sunt contractus, qui et nondum
invento eminenti rerum omnium pretio, locum habue- Officia
runt, et de quibus id unum adhuc monemus, quod, commo-
quum tribus postremis contractibus se quis obliget ad dantis
aliquid gratis dandum faciendumque, non vero, ad de po-
damnum in alterius gratiam devorandum, 97) in il- nentis,
lis nemini officium suum damnosum esse oporteat, a- mandan-
doque 98) et commodans commodatario impensas tis, ejus-
non modicas, (§. CCCXLIII. 73.) et 99) deponens que cu-
depositario quascumque necessarias, et 100) man- jus nego-
dans mandatario, et 101) dominus negotiorum ges- tia gesta.
tori necessarias et utiles restituere, simulque hi om-
nes 102) damna, quæ commodatarius, depositarius,
mandatarius et negotiorum gestor sine culpa sua prop-
ter rem negotiave alienæ senserunt, *) resarcire te-
neantur.*

**) Dicimus, ea damna esse resarcenda, quæ mandatarius
prop-*

propter negotium alienum senserit. Non enim sufficit, cum occasione suscepti negotii aliquid damni casu fortuitu^m passum esse: quia quum casum nemo præstet, eum nec mandans præstare tenetur. Hinc si mandatarius, dum mandatum expedit, à latronibus spoliatus, vel diffici morbo implicitus fuerit: damnum, quod divina providentia ita dirigente, passus est, imputare non poterit mandanti. Nam bæc magis casibus fortuitis, quam mandato, imputari oportet, inquit Paullus l. 26. §. 6. D. mandati. Vid. Grot. de jure belli et pac. II. 14. 13. Aliud tamen statuendum esse putant de legato, qui Principis imperio, publicorum negotiorum causa, peregre abire jussus est, quem, quia in obsequio ei gloria relicta erat, merito indemnum à republica præstandum esse, censem. Vid. Huber. Eunom. ad l. 26. D. mand. Pufend. Jur. nat. et gent. V. 4. Hert. de lytro II. 10.

§. CCCL.

Progradimur jam ad alterum genus contractuum, contrac- qui invento demum nummo locum habere potuerunt, tus, qui invento quales præcipue sunt EMATIO VENDITIO et LOCATIO CON- ductio. Illa est contractus de re pro certo pretio tra- demum denda. Hæc contractus de usu rei vel operis pro cer- nummo ta mercede præstandis. Quemadmodum vero PRETUM EMTIONIS est æstimatio ipsius rei, pecuniaria, ita MERCES vocatur æstimatio pecuniaria usus rei, vel op- eratum: ex iisque definitionibus patet, 103) emtio- dito, et nem venditionem et locationem conductionem semper locatio hodie requirere pecuniam numeratam, 104) eoque ip- conduc- so hos contractus à permutatione, et contractibus do- tio. ut des, do ut facias, facio ut des, et facio ut facias distingui: *) 105) inter se ipsos tamen illos maxime convenire, et omnia fere communia habere.

*) Quamvis enim permutatio æstimatoria emtioni venditioni, quodammodo similis sit: (§. CCCXXXVIII. 48.) reipsa ta- men ab ea differt, quod in venditione intercedat numéra- ta pecunia, in permutatione æstimatoria res pro re detur. Unde facile patet, quid sentiendum sit de veteri Sabinianorum et Proculianorum controversia, pretiumne in em- tione venditione in sola pecunia numerata, an et in aliis rebus consistere possit? de qua præter viros doctos ad §.

2. Inst. de emt. vend. videndus V. C. Cottf. Mascov. de sect. Sabin. et Procul. IX. 10. 1. sequ.

§. CCCLI.

Quum ergo EMTIONE VENDITIONE id agatur, ut res tradatur pro certo pretio: (§. CCCL.) conse- Venditor quens est, 106) ut emtori æque, ac venditori, rem emtori rei vena- seu mercem notam esse oporteat, ac proinde 107) lis qua- non modo venditor ejus qualitates, vitia, oneraque, litates quæ in oculos, sensusque reliquos non incurrunt, em- indicare tori indicare, *) verum etiam 108) pati teneatur, tenetur. ut hic rem lustret oculis, aliquisque modis exploret: Ut adeo 109) rerum, quæ ad gustum veneunt, venditio non prius perfecta sit, quam facta sit degustatio, 110) rerum reliquarum, quæ exploratione indigent, non prius, quam facta sit exploratio, quum, si de ullo, sane de hoc contractu oneroso verum sit, quod dixit Euripides Cyclope v. 137. φῶς ιππολύτα πρίπει. Lux II. contractibus convenient.

*) Sunt vitia et qualitates, quæ incurrunt in oculos, quæque indicari supervacuum esset, quum, si quis in re fallitur, iis cæcitatibus suæ ac negligentia pœnam merito ferat: quo pertinet lis M. Marii Gratidiani cum C. Sergio Ora- ta, apud Ciceron. de offic. III. 16. At leges Romanæ, ut homines sibi invicem hoc officium eo certius præstarent, statuerunt, ut in venditionibus ea etiam, quæ nota essent venditori, vitia dicerentur, iisque reticentia pœnam feret, qui quidquam dissimularet. Nam, quum ex duodecim tabu- lis satis esset, ea præstari, quæ essent lingua nuncupata, quæ qui inficiatus esset, dupli pœnam subiret: à jureconsultis etiam reticentia pœna est constituta. Quidquid enim est et prelio vitii, id statuerunt, si venditor sciret, nisi nominatim dictum esset, præstari oportere. Cic. de offic. III. 16. qui et alibi Cap. XIII. disputat, si vir bonus Alexandria Rhodum magnum frumenti numerum advexerit in Rhodiorum inopia et fame, summaque annonæ caritate, si idem sciat, complures mer- catores Alexandria solvisse, navesque in cursu frumento onustas, petentes Rhodum, viderit: dicturusne id sit Rho- diis, an silentio suum quam plurimo venditurus? De qua quæstione videndi etiam Grot. de jure belli et pac. II. 12. §. sequ. Pufend. jur. nat. et gent. V. 3. 4.

§. CCCLII.

§. CCCLII.

Neuter Ex eodem patet, 111) in emtione venditione & in hoc qualitatem servandam rei et pretii, (§. CCCXXIX. contrac- 115.) adeoque 112) læsionem omnem merito esse e- tu 1æ- mendandam, sive illa 113) alterutrius dolo ac vi- dendus. sive justo errori, *) debeat originem, quamvis 114) et hic merito repetendum sit, quod supra monuimus, læsionem alicujus momenti esse debere, quum et hic pretium non consistat in puncto, sed latitudinem aliquam admissat, nimisque calidum videatur, ob quodlibet levissimum damnum negotium rescindere, litibus que infinitis portam veluti aperire. (§. CCCXL. *)

*) Si nimirum inculpabilis, invincibilis vel involuntarius sit error. (§. CVII. 32.) Alias enim si quis rem nec satis exploratam, nec visam, certo preto emit: error nocere debet erranti, nisi vendor illum dolo circumvenierit, (quod Labanem Jacobo, uxorem ementi, fecisse novimus: Genes. XXIX. 23.) quia merito poenas dat erroris, qui, nisi nimis supina fuisse negligentia, non errare potuisse. Hinc recte Germani de hominibus, tam supine negligentibus, jactant adagium: *Wer die augen nicht aufstut, der thue den beutel auf.*

§. CCCLIII.

Quem Disputari solet de PERICULO et COMMODO REI VEN- penes sit DITÆ, nec tum traditæ, statim ne illud ad emtorem pericu- transeat, simulac de re et pretio conventum, an an- lum et te traditionem penes venditorem maneat? Evidem, commo- quid jure Romano ea de re cautum fuerit, nemo ig- dum rei norat: nec quisquam à nobis exiget, ut de ratione venditæ istius decisionis multa hic dicamus. Nobis, de jure ante tra- naturæ nunc sollicitis, extra omnem dubitationis aleam d i t i o- positum videtur, 115) casum ferre dominum: (§. CCXI. *) at nec minus certum esse arbitramur, 116) non esse merum casum, qui ex alterius mora vel culpa provenit, adeoque, qui facto suo alteri damnum dedit, ad illud resarcendum omnino esse obligatum. (CCXI. 1.) Ex quibus sequitur, 117) ut, quia em- tor

tor jure naturæ sine traditione fit dominus, (§. CCLXXV.) periculum, perfecta emtione venditione, statim tran- seat ad emtorem, nisi 118) vendor vel in *mora* ^{Na} tradendi, vel culpæ alicujus reus sit. *)

*) Similis fere, sed paullo obscurior, est philosophia Puffen- dorff *de jure nat. et gent. V. 5. 3.* distinguens, utrum certus traditioni dies præfixus sit, nec ne, et, si præfi- xus sit, illene jam elapsus sit, nec ne. Æquissimum enim illi videtur, ut ante elapsum terminum res sit periculo vendoris: elapso vero termino, ob moram eadem em- tori pereat. Enimvero, quum emtor jure naturæ et sine traditione fieri possit dominus, et, elapso termino, non semper vendor in mora sit, sed aliquando et penes em- torem culpa illa esse possit: nos generatim emtori peri- culum attribuimus, cuius in arbitrio fuisset, re a emtam, soluto pretio, statim accipere. Si vero ille ex sua par- te adimplevit contractus leges, vel eas implere paratus est: vendor, qui in mora tradendi est, periculum me- rito sustinet, sive certus traditioni terminus præfixus fue- rit, sive non fuerit.

§. CCCLIV.

Quum ergo emtor sine traditione statim fiat domi- nus, ac proinde periculum ferat: (§. CCCLIII, 117v.) consequens est, 119) ut vera quidem sit doctrina jureconsultorum de periculo rei venditæ, sed ea cum reliquis juris Romani principiis male cohæ- reat, quia, dominium sine traditione ad emtorem quitati transire, negant. 120) Ut quum domino jus sit et naturali fructus, et accessiones commodaque reliqua ex re sua coope- percipiendi, (§. CCCVII. 4. sequ.) eidem etiam niat? commoda rei venditæ competant. 121) Ut tamen id tunc demum procedat, si emtor venditori de pre- tio quocunque modo satisficerit; *) siquidem alias si- mul haberet rem, simul pretium, adeoque cum alieno damno sine justa caussa fieret locupletior. (*§. CCXLVII. 122) *

*) Satisficeret autem de pretio videtur, non solum, qui illud repræsentavit, sed et, cuius fidem sequitur est venditor, v. g. usuras sibi in singulos annos stipulatus. Hinc Li quam-

quamvis simplicissimum contractuum genus videatur illud, quando, soluto pretio, illico res vendita traditur, i.e. si Graeca fide inter se mercantur homines, quod commercii genus solum in republica sua tolerare voluit Plato *de Leg. Lib. XI.* pro hac tamen rerum conditione vix sperandum est, id semper fieri posse, et ipsa experientia docet, commercia magis fide, quam mercatores vocant *den credit*, quam rei pecuniaeque commutatione, constare.

§. CCCLV.

Quandoquidem vero venditori, qui in mora tradendi, culpae alicujus reus est, res merito perit: (§. CCCLIII. 118.) facile unusquisque intelligit, periculis sit 121) emtorem à periculo immunem esse, si venditor, illi offerenti pretium, vacuam rei venditæ possessionem tradere vel nolit, vel non possit, itemque 123) si probetur, venditoris culpa, vel negligentia factum esse, ut res vendita, vel tota, vel pro parte, periret.

§. CCCLVI.

Vendi- Emtio venditio porro fit eo consilio, ut res pro certo pretio tradatur, (§. CCCL.) et animo quidem, tor em- dominium in alterum transferendi. (§. CCLXXVIII. tori de- bet evic- 35.) Quum vero, qui rei dominium titulo oneroso, tionem. velut pro certo pretio, in alterum transtulit, ad præstandam evictionem sit obligatus: (§. CCLXXIV. 124) etiam venditor emtori tenebitur ad præstandam EVICTIONEM, si res ab hoc ex causa contractum antecedente evicta sit, non autem 125) si post venditionem dénum aliquid evenerit, cuius causa quis res sua privaretur, nec 126) si casu, vel vi majore, res ei sit crepta. (*)

(*) Sane et quæ vi majore contingunt, casu contingere videntur. Quandoquidem ergo casum, perfecto jam contractu emtionis venditionis, fert dominus: (§. CCCLIII. 117.) etiam, re vendita casu vel vi majore sibi crepta, damnum devorare, nec à quoquam petere evictionem potest. Ceterum nullum est dubium, quin quemadmodum alia pac-

pacta, quæ huic contractui accedunt, rata esse oportet: ita et convenire inter se possint emtor et venditor, ne quid in evictionis nomine præstetur, sed res sit emtoris periculo, quale pactum virginis venditioni adjicit Sagaristio apud Plaut. in Persa IV. 4. v. 40. Prius dico: *banc MANCUPIO nemo tibi dabit, jam scis?* DO. Scio.

§. CCCLVII.

Quia porro emtio venditio est contractus, (§. CCCL.) contractus vero duorum consensum requirit: (§. CCCXXVII. 6.) facile patet, 127) in emtione venditione omnia redire ad consensum, adeoque 128) vis pacta ei qualiacumque pacta, modo non improba ac fraudulenta, adjici posse, veluti 129) ADDITIONEM IN jiciundiEM, 130) LEGEM COMMISSORIAM, 131) PACTUM DE tur. RETROVENDENDO, 132) itemque PROTIMISEOS, 133) de EVICTIONE non præstanta, 134) de POENA in casum pœnitentiae præstanta, et si qua sunt ejus generis alia.*)

(*) Definitiones horum pactorum ex ipso jure civili nota sunt: ADDICTIO IN DIEM est pactum de emtione venditione vel perficienda, si intra certum diem nemo plus obtulerit, vel jam perfecta rescindenda, si quis intra istud tempus plus, nec prior emtor tantumdem obtulerit. LEX COMMISSORIA pactum, quo venditor, rem inemtam fore, cavit, si pretium ante certum diem non solvatur. Exemplum est apud Corn. Nep. in vita Attici Cap. VIII. PACTUM DE RETROVENDENDO conventio de re vendita, pretio ante vel post certum diem, vel quandcumque restituto, venditori reddenda. Qualis est venditio apud Liv. XXXI. 13. et Julium Capitolin. in Marco Cap. XVII. Pactum *προτίμησις* conventio de re iterum venali venditori potissimum ejusve posteris tantumdem pretium, quod alii offerunt solventibus, vendenda. Reliquorum pactorum natura et indoles ex ipsis vocabulis facile intelligitur.

§. CCCLVIII.

Ex eodem axiomate colligimus, 135) licere venditori in venditione sibi aliqui EXCIPERE, 136) utriusque vero contrahenti CONDITIONEM quamcumque, quæ nes, con-

Li ij ho-